



**JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU**

Komunikadu Imprensa
30 Outubru 2014

**Parlamentu no governu tenke respeitu independensia judisiál no
separasaun poder**

Ohin JSMP hala'ó konferensia impresa hodi enkoraza Governu no Parlamentu Nasionál hodi respeitu independensia judisiáriu no seperasaun poder.

Ida ne'e nu'udar resposta ida ba rezolusaun ne'ebé hasai hosi Parlamentu Nasionál no Governu foin lalais ne'e atu imediatamente termina kontratu ofisiál judisiál internasionál, inklui juis, prokurador no defensor públiku sira.

“Rezulusaun sira ne'e viola prinsipiu independensia judisiál no separasaun poder ne'ebé hatuur iha ita nian Konstitusaun,” dehan Direitór Ezekutivu JSMP, Luis de Oliveira Sampaio.

La iha fatin ba Parlamentu Nasional ka governu atu hasai ofisiál judisiál liu hosi rezulusaun ida. Ida ne'e so bele halo tuir lei. Hasai ofisiál judisiál arbitrariamente (arbiru) tantu internasionál ka nasionál, fó ameasa ba estadu de direitu no direitu sidadaun ba julgamentu justu iha Timor-Leste.

Parlamentu Nasionál pasa/aprova ona rezulusaun ne'e iha loron Sesta, 24 Outobru 2014 liuhosi sesaun plenaria ekstraordinariu Parleментu nasional ne'ebé taka ba publiku. Rezulusaun ida ne'e husu governu atu hala'ó auditoria ba sistema judisiál iha Timor-Leste no atu imediatamente termina kontratu juis, prokurador, defensor no asesór internasionál sira ne'ebé servisu iha sistema judisiáriu. Rezulusaun governu nian ne'e adopta medidas sira ne'ebé ejize hosi Parlamentu Nasionál.

JSMP preokupa teb-tebes kona-ba efeitu/impaktu hosi rezulusaun sira ne'e ba iha idependensia judisiáriu iha Timor-Leste, no abilidade sistema justisa atu funsiona lorloron.

Hasai autór judisiáriu no asesór sira ho derepente deit sei interrompe makas ba funcionamentu regular hosi tribunál sira no desenvolvimentu sistema legal ne'ebé la'ó hela iha Timor-Leste.

Rezulusaun ne'e kauza suspensaun ba formadór sira iha Sentru Formasaun Judisiáriu. Ida ne'e sei iha konsekuensia seriú ba juis, prokurador, defensor no advogadu sira iha futuru.

JSMP osberva katak sistema legal iha Timor-Leste sei dezenvolve an hela no número prosesu kazu iha tribunál aumenta. Tribunál presija rekursu tan hodi hala'ó sira nia

servisu ho efetivu. Rezulusaun ida ne'e hasai tiha rekursu importante sira hosi justisa ne'ebé frajíl hela.

“JSMP fiar katak rezulusaun sira ne'e sei lori sistema justisa iha Timor-Leste ba kotuk no la'os ba interese nasional Timor-Leste nian”, dehan Luis de Oliveira Sampaio.

Prezidente Tribunál Rekursu hasai diretiva ida ba juis administrador sira, ne'ebé hateten katak rezulusaun ne'e laiha efetu no tanba ne'e husu juiz ba internasional sira no funsionariu tribunál atu kontinua sira nia funsaun.

JSMP ezije ba Parlamentu Nasionál no Governu atu rekonsidera rezulusaun sira ne'e no imediatamente foti asaun apropiadu hodi garante independensia.

Atu hetan informasaun kompleitu, favor kontaktu:

Luis de Oliveira Sampaio
Diretór Ezekutivu JSMP
Diresaun e-mail: luis@jsmp.minihub.org
info@jsmp.minihub.org
Telefone:3323883 | 77295795
Website: www.jsmp.tl
Face book: www.facebook.com/timorleste.jsmp
Twitter: @JSMPtl